

Մալարիան, կողատապը, բժաւոր տիֆոն
եկել են մեզ այցելութեան :

Քառասուն աստիճան ջերմը դառանցում է
մոմէ դէմք առած միւս հիւանդների մօտ :

Ես եւ Սաթօն դիչերները քուն չունենք :
Յուրտ է եւ անձրեւ : Վառարան չկայ, փայտ
չկայ, դեղօրայքը սուղ են :

Դժոխային այդ միջոցների մէջ պէտք է
նաեւ աշխատել . դասախօսութիւն պատրաս-
տել, յօդուած գրել, փայտի վրայ նկարներ
փորագրել :

Հաց, թէյ :

Թէյ, հաց :

Ու ահա —

«Երաժշտական Ստուդիայի վարչութիւնը
աչքի առաջ ունենալով որ ձեզ փոխ տրուած
երկու երկաթէ մահճակալները պատկանում են
բանուորացիական իշխանութեան, պա-
հանջում է անմիջապէս նրանց վերադարձնել,
հակառակ պարագային Ստուդիայի վարչու-
թիւնը պիտի դիմի ժողովրդական Դատարա-
նին» :

Անիծեա՛լ երկիր... .

* * *

Փետրուար .—

Անձրեւ, ցեխ :

Իանտի մէջ : Գիչերը ուրուականների
մղճաւանջային այցելութիւնը, ցորեկը խոր-
տակուած սրտերի կատարին խաբխրող աչքե-
րի վեհերոտ նայուածքները : Կաթկթող տա-
նիքների տակ կուչ եկած քաղաքի աննշան եւ
ստորին կեանքը : Մլուկի ցեղ միջակութիւնը,
աղբ եւ թշուառութիւն :

Ու ջրակոյտերի վրայից ցատկելով հա-
մալարանի ճանապարհը : Դասախօսների
թիթուած եւ անձկութեամբ լեցուն դէմքերը,
ուռանողների յոգնարեկ աչքերի արտայայտու-
թիւնը : Մի երկու ժամ խաբուսիկ ոգեւորու-
թիւն Ս . Աւզուստինոսի, Տերտուղիանոսի կամ
Դանտէի շուրջը : Եւ կուրացած քաղաքի խա-
ւար ձեռքից բռնած, մինչեւ ծունկ ցեխի մէջ
ընկնելով, տխուր ու տրտում վերադարձ :

Կտրուած ենք նաեւ արտաքին աշխարհից :
Ի՞նչ է կատարուած մեր սահմաններից դուրս՝
ոչ ոք չի իմանում : Ականջէ ականջ լուրեր են
պտտում՝ մեծցած, չափազանցուած : Տեղական

թերթերը ոչ ոք չի կարդում, որովհետեւ ոչ ոք
չի հաւատում, եւ եթէ կարդում են՝ հակա-
ռակն են մտածում :

Այսօր Ղաասխօսութեան ժամանակ ինձ
վատ զգացի :

Համալսարանի բժիշկներ՝ քննութիւն :
Սիրտ : Հիւժուածութեան առաջին նշանները :
«Մնունդի պակաս, ծուխ, չափազանց շատ աչ-
խատանք, յուզումներ» :

Պէտք է մեկնիլ :

Հե՛շտ է ասել պէտք է մեկնիլ : Տակնու-
վբրայութիւն, անցագրի անիծեալ հարցը,
փող :

Փո՛ղ :

* * *

— ...

Նոր թուղթ Լուսաւորութեան Կոմիսարի-
ատից :

«Անմիջապէս վերադարձնել նախկին Ձեր
բնակարանի մէջ գտնուած դաշնամուրը, որը
բոս գրաման օրէնքին պետութեան սեփակա-
նութիւնն է կազմում» :

Դիմումներ, բողոք :

«Ձիինի՛ որ տաս, Լուսժողովը իր նոր ե-
կած սիրուհու համար է ուզում» :

Մերժում եմ :

* * *

Մարտ .—

Իմ բացակայութեան ժամանակ զինուած
միլիցիականները նորից ներս են խուժել բնա-
կարանս եւ, Լուսժողովոմ Մուսեանի հրամա-
նով, սպառնացել են կանանց եւ երախաներին
ու բռնի դաշնամուրը տարել են :

* * *

— ... Համալսարանում ժողով ժողովի
վրայ : Կոմբլիճի աղջիկները, բարձրագոյն ու-
րոշմամբ, իմ եւ նախկին նախարար մի դասա-
խօսի դէմ դործ են սկսել :

Մեզանից անբաւական են : Մեր դասախօ-
սութիւնները մարքսիստական բնոյթ չեն կը-
րում, Քրանսերէնի մէջ էլ անուշադիր եմ :

Աղմուկ, բողոք, յուզում :

Հուլայ են տալիս : Ուզում են անօթի թող-
նել :

« Ես Ձեզ ասացի Պոլսում, որ կեանքը